

無量壽經優婆提舍願生偈 往生論 講記 科判

婆藪盤頭菩薩 造 元魏菩提留支 譯 道源長老 講述

釋道淨 整理 20240726 2 稿 微信 qq 973451196 禁止商用篡改 法律責任必究

表 0: (1 表) 總表

(參考佛陀教育基金會版本校對)

科判				經文											
題談															
釋論題				無量壽經優婆提舍願生偈											
				此卷依東瀛本，與藏內稍別											
釋論主				婆藪盤頭菩薩造											
釋譯師				元魏菩提留支譯											
釋論文 分二	甲一、 總說分 分五 (表 1)	乙四 觀察 門分 三	乙一禮拜門		乙二讚歎門		乙三作願門								
			丙一觀察彼佛國土莊嚴功德成就分十七	丁一莊嚴清淨功德成就總相											
				丁二莊嚴量功德成就											
				丁三莊嚴性功德成就											
				丁四莊嚴形相功德成就											
				丁五莊嚴種種事功德成就											
				丁六莊嚴妙色功德成就											
				丁七莊嚴觸功德成就											
				丁八莊嚴三種功德成就分三		戊一莊嚴水功德成就									
						戊二莊嚴地功德成就									
						戊三莊嚴虛空功德成就									
				丁九莊嚴雨功德成就											
				丁十莊嚴光明功德成就											
				丁十一莊嚴妙聲功德成就											
				丁十二莊嚴主功德成就											
				丁十三莊嚴眷屬功德成就											
				丁十四莊嚴受用功德成就											
				丁十五莊嚴無諸難功德成就											
			丁十六莊嚴大義門功德成就												
			丁十七莊嚴一切所求滿足功德成就												
		丙二觀察彼佛莊嚴功德成就分八		丁一莊嚴座的功德成就											
				丁二莊嚴身業功德成就											
				丁三莊嚴口業功德成就											
				丁四莊嚴心業功德成就											
				丁五莊嚴大眾功德成就											
				丁六莊嚴上首功德成就											
				丁七莊嚴主功德成就											
				丁八莊嚴不虛作住持功德成就											
		丙三觀察彼菩薩正修行功德成就分四		丁一莊嚴無修而修功德成就											
				丁二莊嚴同時利生功德成就											
				丁三莊嚴平等供養功德成就											
				丁四莊嚴建立佛法功德成就											
				乙五迴向門											
		甲二解釋分分十 (表 2)	乙三觀行體相分二		乙一願偈大意		乙二起觀生信分二		丙一示五念力		丙二出五念門				
	丙一器體分三												丁一國土體相		
													丁二示現自利利他		
	丙二眾生體分二				丁一觀佛		丁二觀菩薩								
					乙四淨入願心		乙五善巧攝化		乙六離菩提障		乙七順菩提門				
	乙八名義攝對		乙九願事成就		乙十利行滿足										

表 1: (1 表) 甲一、總說分分五

科判			經文
甲一總說分分五	乙一禮拜門		世尊我一心歸命，
	乙二讚歎門		盡十方無礙光如來，
	乙三作願門		願生安樂國。 我依修多羅，真實功德相， 說願偈總持，與佛教相應。
	丙一觀察彼佛國土莊嚴功德成就分十七	丁一莊嚴清淨功德成就總相	觀彼世界相，勝過三界道。
		丁二莊嚴量功德成就	究竟如虛空，廣大無邊際。
		丁三莊嚴性功德成就	正道大慈悲，出世善根生。
		丁四莊嚴形相功德成就	淨光明滿足，如鏡日月輪。
		丁五莊嚴種種事功德成就	備諸珍寶性，具足妙莊嚴。
		丁六莊嚴妙色功德成就	無垢光焰熾，明淨曜世間。
		丁七莊嚴觸功德成就	寶性功德草，柔軟左右旋， 觸者生勝樂，過迦旃鄰陀。
		丁八莊嚴三種功德成就分三	戊一莊嚴水功德成就 寶華千萬種，彌覆池流泉， 微風動華葉，交錯光亂轉。
			戊二莊嚴地功德成就 宮殿諸樓閣，觀十方無礙， 雜樹異光色，寶欄遍圍繞。
			戊三莊嚴虛空功德成就 無量寶交絡，羅網遍虛空， 種種鈴發響，宣吐妙法音。
		丁九莊嚴雨功德成就	雨華衣莊嚴，無量香普熏。
		丁十莊嚴光明功德成就	佛慧明淨日，除世痴闇冥。
		丁十一莊嚴妙聲功德成就	梵聲悟深遠，微妙聞十方。
		丁十二莊嚴主功德成就	正覺阿彌陀，法王善住持。
		丁十三莊嚴眷屬功德成就	如來淨華眾，正覺華化生。
		丁十四莊嚴受用功德成就	愛樂佛法味，禪三昧為食。
		丁十五莊嚴無諸難功德成就	永離身心惱，受樂常無間。
		丁十六莊嚴大義門功德成就	大乘善根界，等無譏嫌名。 女人及根缺，二乘種不生。
		丁十七莊嚴一切所求滿足功德成就	眾生所願樂，一切能滿足。 是故願生彼，阿彌陀佛國。
	丙二觀察彼佛莊嚴功德成就分八	丁一莊嚴座的功德成就	無量大寶王，微妙淨華臺。
		丁二莊嚴身業功德成就	相好光一尋，色像超群生。
		丁三莊嚴口業功德成就	如來微妙聲，梵響聞十方。
		丁四莊嚴心業功德成就	同地水火風，虛空無分別。
		丁五莊嚴大眾功德成就	天人不動眾，清淨智海生。
		丁六莊嚴上首功德成就	如須彌山王，勝妙無過者。
		丁七莊嚴主功德成就	天人丈夫眾，恭敬繞瞻仰。
		丁八莊嚴不虛作住持功德成就	觀佛本願力，遇無空過者， 能令速滿足，功德大寶海。
	丙三觀察彼菩薩正修行功德成就分四	丁一莊嚴無修而修功德成就	安樂國清淨，常轉無垢輪， 化佛菩薩日，如須彌住持。
		丁二莊嚴同時利生功德成就	無垢莊嚴光，一念及一時， 普照諸佛會，利益諸群生。
		丁三莊嚴平等供養功德成就	雨天樂華衣，妙香等供養， 贊諸佛功德，無有分別心。
		丁四莊嚴建立佛法功德成就	何等世界無，佛法功德寶， 我願皆往生，示佛法如佛。
	乙五迴向門		我作論說偈，願見彌陀佛， 普共諸眾生，往生安樂國。 無量壽修多羅章句，我以偈頌總說竟。

表 2-1：(3 表) 甲二解釋分分十

科判		經文
甲二解釋分分十	乙一愿偈大意	<p>論曰：此愿偈明何義？ 示現觀彼安樂世界，見阿彌陀佛，愿生彼國故。</p>
	乙二起觀生信分二	<p>丙一示五念力</p> <p>云何觀？云何生信心？ 若善男子善女人，修五念門行成就，畢竟得生安樂國土，見彼阿彌陀佛。</p> <p>丙二出五念門</p> <p>何等五念門？ 一者禮拜門，二者讚歎門，三者作愿門，四者觀察門，五者回向門。 云何禮拜？身業禮拜阿彌陀如來應正偏知，為生彼國意故。 云何讚歎？口業讚歎，稱彼如來名，如彼如來光明智相，如彼名義，欲如實修行相應故。 云何作愿？ 心常作愿，一心專念，畢竟往生安樂國土，欲如實修行奢摩他故。 云何觀察？智慧觀察。正念觀彼，欲如實修行毗婆舍那故。 彼觀察有三種。何等三種？ 一者觀察彼佛國土莊嚴功德，二者觀察阿彌陀佛莊嚴功德，三者觀察彼諸菩薩莊嚴功德。 云何迴向？不捨一切苦惱眾生，心常作愿迴向為首，得成就大悲心故。</p>
	乙三觀行體相分二	<p>丙一器體分三</p> <p>丁一國土體相</p> <p>云何觀察彼佛國土莊嚴功德？ 彼佛國土莊嚴功德者，成就不可思議力故。 如彼摩尼如意寶性，相似相對法故。 觀察彼佛國土莊嚴功德成就者，有十七種應知。 何等十七？一者莊嚴清淨功德成就，二者莊嚴量功德成就，三者莊嚴性功德成就，四者莊嚴形相功德成就，五者莊嚴種種事功德成就，六者莊嚴妙色功德成就，七者莊嚴觸功德成就，八者莊嚴三種功德成就，九者莊嚴雨功德成就，十者莊嚴光明功德成就，十一者莊嚴妙聲功德成就，十二者莊嚴主功德成就，十三者莊嚴眷屬功德成就，十四者莊嚴受用功德成就，十五者莊嚴無諸難功德成就，十六者莊嚴大義門功德成就，十七者莊嚴一切所求滿足功德成就。 莊嚴清淨功德成就者。偈言：觀彼世界相，勝過三界道故。 莊嚴量功德成就者。偈言：究竟如虛空，廣大無邊際故。 莊嚴性功德成就者。偈言：正道大慈悲，出世善根生故。 莊嚴形相功德成就者。偈言：淨光明滿足，如鏡日月輪故。 莊嚴種種事功德成就者。偈言：備諸珍寶性，具足妙莊嚴故。 莊嚴妙色功德成就者。偈言：無垢光焰熾，明淨曜世間故。 莊嚴觸功德成就者。 偈言：寶性功德草，柔軟左右旋，觸者生勝樂，過迦旃鄰陀故。 莊嚴三種功德成就者。有三種事，應知。 何等三種？一者水，二者地，三者虛空。 莊嚴水功德成就者。 偈言：寶華千萬種，彌覆池流泉，微風動華葉，交錯光亂轉故。 莊嚴地功德成就者。 偈言：宮殿諸樓閣，觀十方無礙，雜樹異光色，寶欄遍圍繞故。 莊嚴虛空功德成就者。 偈言：無量寶交絡，羅網遍虛空，種種鈴發響，宣吐妙法音故。 莊嚴雨功德成就者。偈言：雨華衣莊嚴，無量香普熏故。 莊嚴光明功德成就者。偈言：佛慧明淨日，除世痴闇冥故。 莊嚴妙聲功德成就者。偈言：梵聲悟深遠，微妙聞十方故。 莊嚴主功德成就者。偈言：正覺阿彌陀，法王善住持故。 莊嚴眷屬功德成就者。偈言：如來淨華眾，正覺華化生故。 莊嚴受用功德成就者。偈言：愛樂佛法味，禪三昧為食故。</p>

表 2-2：（3 表）甲二解釋分分十

甲二解釋分分十	乙三觀行體相分二	丙一器體分三	丁一國土體相	<p>莊嚴無諸難功德成就者。偈言：永離身心惱，受樂常無間故。</p> <p>莊嚴大義門功德成就者。</p> <p>偈言：大乘善根界，等無譏嫌名，女人及根缺，二乘種不生故。</p> <p>淨土果報，離二種譏嫌過，應知。一者體，二者名。</p> <p>體有三種，一者二乘人，二者女人，三者諸根不具人，無此三過故，名離體譏嫌。</p> <p>名亦三種，非但無三體，乃至不聞二乘女人諸根不具，三種名故，名離名譏嫌。</p> <p>等者，平等一相故。</p> <p>莊嚴一切所求滿足功德成就者。偈言：眾生所願樂，一切能滿足故。</p>
			丁二示現自利利他	<p>略說彼阿彌陀佛國土十七種莊嚴功德成就。</p> <p>示現如來自身利益大功德力成就，利益他功德成就故。</p>
			丁三入第一義諦	<p>彼無量壽佛國土莊嚴，第一義諦妙境界相，十六句及一句，次第說，應知。</p>
		丙二眾生體分二	丁一觀佛	<p>云何觀佛莊嚴功德成就？</p> <p>觀佛莊嚴功德成就者，有八種相，應知。何等八種？</p> <p>一者莊嚴座功德成就。</p> <p>二者莊嚴身業功德成就。</p> <p>三者莊嚴口業功德成就。</p> <p>四者莊嚴心業功德成就。</p> <p>五者莊嚴大眾功德成就。</p> <p>六者莊嚴上首功德成就。</p> <p>七者莊嚴主功德成就。</p> <p>八者莊嚴不虛作住持功德成就。</p> <p>何者莊嚴座功德成就？偈言：無量大寶王，微妙淨華臺故。</p> <p>何者莊嚴身業功德成就？偈言：相好光一尋，色像超群生故。</p> <p>何者莊嚴口業功德成就？偈言：如來微妙聲，梵響聞十方故。</p> <p>何者莊嚴心業功德成就？</p> <p>偈言：同地水火風虛空無分別故。無分別者，無分別心故。</p> <p>何者莊嚴大眾功德成就？偈言：天人不動眾，清淨智海生故。</p> <p>何者莊嚴上首功德成就？偈言：如須彌山王，勝妙無過者故。</p> <p>何者莊嚴主功德成就？偈言：天人丈夫眾，恭敬繞瞻仰故。</p> <p>何者莊嚴不虛作住持功德成就？</p> <p>偈言：觀佛本願力，遇無空過者，能令速滿足，功德大寶海故。</p> <p>即見彼佛，未證淨心菩薩，畢竟得證平等法身。</p> <p>與淨心菩薩，與上地諸菩薩，畢竟同得寂滅平等故。</p> <p>略說八句示現如來自利利他功德莊嚴次第成就，應知。</p>
			丁二觀菩薩	<p>云何觀察菩薩莊嚴功德成就？</p> <p>觀察菩薩莊嚴功德成就者，觀彼菩薩有四種正修行功德成就，應知。</p> <p>何者為四？</p> <p>一者於一佛土身不動搖，而遍十方種種應化，如實修行，常作佛事。</p> <p>偈言：安樂國清淨，常轉無垢輪，化佛菩薩日，如須彌住持故，開諸眾生淤泥華故。</p> <p>二者彼應化身，一切時不前不後，一心一念，放大光明，悉能遍至十方世界，教化眾生，種種方便，修行所作，滅除一切眾生苦故。</p> <p>偈言：無垢莊嚴光，一念及一時，普照諸佛會，利益諸群生故。</p> <p>三者彼於一切世界，無餘照諸佛會大眾，無餘廣大無量供養恭敬讚歎諸佛如來功德。</p> <p>偈言，雨天樂華衣，妙香等供養，贊諸佛功德，無有分別心故。</p> <p>四者彼於十方一切世界無三寶處，住持莊嚴佛法僧寶功德大海，遍示令解如實修行。</p> <p>偈言：何等世界無，佛法功德寶，我願皆往生，示佛法如佛故。</p>

表 2-3：（3 表）甲二解釋分分十

甲二解釋分分十	乙四淨入願心	<p>又向說觀察莊嚴佛土功德成就，莊嚴佛功德成就，莊嚴菩薩功德成就，此三種成就願心莊嚴，應知。</p> <p>略說入一法句故。一法句者，謂清淨句。</p> <p>清淨句者，謂真實智慧無為法身故。</p> <p>此清淨有二種，應知。</p> <p>何等二種？一者器世間清淨，二者眾生世間清淨。</p> <p>器世間清淨者，如向說十七種莊嚴佛土功德成就，是名器世間清淨。</p> <p>眾生世間清淨者，如向說八種莊嚴佛功德成就，四種莊嚴菩薩功德成就，是名眾生世間清淨。</p> <p>如是一法句，攝二種清淨義，應知。</p>
	乙五善巧攝化	<p>如是菩薩奢摩他，毗婆舍那，廣略修行，成就柔軟心。</p> <p>如實知廣略諸法，如是成就巧方便迴向。</p> <p>何者菩薩巧方便迴向？</p> <p>菩薩巧方便迴向者，謂說禮拜等五種修行，所集一切功德善根，不求自身住持之樂，欲拔一切眾生苦故。</p> <p>作願攝取一切眾生，共同生彼安樂佛國，是名菩薩巧方便迴向成就。</p>
	乙六離菩提障	<p>菩薩如是善知迴向成就，即能遠離三種菩提門相違法。</p> <p>何等三種？</p> <p>一者依智慧門，不求自樂，遠離我心貪著自身故。</p> <p>二者依慈悲門，拔一切眾生苦，遠離無安眾生心故。</p> <p>三者依方便門，憐愍一切眾生心，遠離供養恭敬自身心故。</p> <p>是名遠離三種菩提門相違法。</p>
	乙七順菩提門	<p>菩薩遠離如是三種菩提門相違法，得三種隨順菩提門法滿足故。</p> <p>何等三種？</p> <p>一者無染清淨心，以不為自身求諸樂故。</p> <p>二者安清淨心，以拔一切眾生苦故。</p> <p>三者樂清淨心，以令一切眾生得大菩提故，以攝取眾生生彼國土故。</p> <p>是名三種隨順菩提門法滿足，應知。</p>
	乙八名義攝對	<p>向說智慧慈悲方便三種門，攝取般若，般若攝取方便，應知。</p> <p>向說遠離我心不貪著自身，遠離無安眾生心，遠離供養恭敬自身心。</p> <p>此三種法，遠離障菩提心，應知。</p> <p>向說無染清淨心，安清淨心，樂清淨心。</p> <p>此三種心，略一處成就妙樂勝真心，應知。</p>
	乙九願事成就	<p>如是菩薩智慧心方便心無障心勝真心，能生清淨佛國土，應知。</p> <p>是名菩薩摩訶薩隨順五種法門，所作隨意自在成就。</p> <p>如向所說身業口業意業智業方便智業，隨順法門故。</p>
	乙十利行滿足	<p>復有五種門，漸次成就五種功德，應知。何者五門？</p> <p>一者近門，二者大會眾門，三者宅門，四者屋門，五者園林遊戲地門。</p> <p>此五種門，初四種門，成就入功德；第五門，成就出功德。</p> <p>入第一門者，以禮拜阿彌陀佛為生彼國故，得生安樂世界，是名入第一門。</p> <p>入第二門者，以讚歎阿彌陀佛，隨順名義稱如來名，依如來光明智相修行故，得入大會眾數，是名入第二門。</p> <p>入第三門者，以一心專唵作願生彼，修奢摩他寂靜三昧行故，得入蓮華藏世界，是名入第三門。</p> <p>入第四門者，以專念觀察彼妙莊嚴，修毗婆舍那故，得到彼處，受用種種法味樂，是名入第四門。</p> <p>出第五門者，以大慈悲，觀察一切苦惱眾生，示應化身，回入生死園煩惱林中，遊戲神通，至教化地，以本願力迴向故，是名出第五門。</p> <p>菩薩入四種門，自利行成就，應知。</p> <p>菩薩出第五門，迴向利益他行成就，應知。</p> <p>菩薩如是修五門行，自利利他，速得成就阿耨多羅三藐三菩提故。</p>